

**O'ZBEKISTON RESPUBLIKASI PREZIDENTINING  
FARMONI**

**KORRUPSIYAGA QARSHI KURASHISH TIZIMINI YANADA TAKOMILLASHTIRISH  
HAMDA DAVLAT ORGANLARI VA TASHKILOTLARI FAOLIYATI USTIDAN  
JAMOATCHILIK NAZORATI TIZIMI SAMARADORLIGINI OSHIRISH CHORA-  
TADBIRLARI TO'G'RISIDA**

Korrupsiyani oldini olish va unga qarshi kurashish sohasida olib borilayotgan ishlarning natijadorligini oshirish, muhim ijtimoiy masalalarga oid ochiq ma'lumotlar ko'lamini yanada kengaytirish, ulardan to'siqlarsiz foydalanishni ta'minlash, shuningdek, "O'zbekiston — 2030" strategiyasida belgilangan vazifalarni amalga oshirish maqsadida:



*LexUZ sharhi*

*Qarang: O'zbekiston Respublikasi Prezidentining 2020-yil 29-iyundagi PF-6013-soni  
"O'zbekiston Respublikasida korrupsiyaga qarshi kurashish tizimini takomillashtirish bo'yicha qo'shimcha chora-tadbirlari to'g'risida"gi Farmoni.*



*LexUZ sharhi*

*Qarang: O'zbekiston Respublikasi "Korrupsiyaga qarshi kurashish to'g'risida"gi Qonuni.*

1. O'zbekiston Respublikasi Korrupsiyaga qarshi kurashish milliy kengashi (keyingi o'rinnarda — Milliy kengash), Korrupsiyaga qarshi kurashish agentligi (keyingi o'rinnarda — Agentlik), Bosh prokuraturaning korrupsiyaga oid jinoyatlarning oldini olish bo'yicha quyidagi tizimni jorli etish haqidagi taklifi ma'qullansin:

har chorakda Agentlik davlat organlari va tashkilotlari kesimida sodir etilgan korrupsiyaga oid jinoyatlarni tahlil qiladi va ushbu jinoyatlar ko'rsatkichi oshgan davlat organlari va tashkilotlariga kechiktirib bo'lmaydigan chora-tadbirlar belgilash uchun Agentlik xodimlari ishtirokida ko'rib chiqilishi majburiy bo'lgan taqdimnomalar kiritib boradi;

har yarim yilda jinoyatlarning oldini olish hamda ularga imkon bergen omillarni bartaraf etish bo'yicha ko'rilib yig'ilishlarida tegishli davlat organlari va tashkilotlarining birinchi rahbarlari ishtirokida tanqidiy muhokama qilib boriladi.

2. Korrupsiyaga qarshi kurashish bo'yicha 2023-2024-yillarga mo'ljallangan davlat dasturi **1-ilovaga** muvofiq tasdiqlansin.

3. 2023-yil 1-dekabrdan boshlab Ochiq ma'lumotlar sifatida joylashtirilishi kerak bo'lgan ijtimoiy ahamiyatga molik ma'lumotlar ro'yxati quyidagi ma'lumotlar bilan to'ldirilsin:

hududlar kesimida "Haj" tadbiriga borish uchun navbatda turgan ziyoratchilarning yagona onlayn navbatni to'g'risidagi (ziyoratga boruvchi shaxsning arizasi navbatga qo'yilgan sana va ro'yxatdagi tartib raqami) ma'lumotlar;

bolalarni davlat maktabgacha ta'lim tashkilotlariga qabul qilish uchun berilgan arizalar navbatni (ro'yxati) to'g'risidagi (ariza navbatga qo'yilgan sana, ro'yxatdagi tartib raqami, yosh guruhi hamda tashkilot raqami) ma'lumotlar;

davlat organlari va tashkilotlarida davlat xaridlarini amalga oshirish tartib-taomillarini belgilovchi xarid komissiyasining ichki idoraviy tartibi (nizom, reglament, yo'riqnomalar yoki boshqa ichki idoraviy hujjat);

markaziy, hududiy va tizim tashkilotlarida bo'sh ish o'rinnari, ishga qabul qilish shartlari, nomzodlarga qo'yiladigan talablar va taqdim qilinishi lozim bo'lgan hujjatlar to'g'risidagi ma'lumotlar;

davlat organlari va tashkilotlari tomonidan nodavlat notijorat tashkilotlarga taqdim etilgan grant va ijtimoiy buyurtma loyihalari haqidagi ma'lumotlar, shu jumladan g'olib bo'lgan nodavlat notijorat tashkilotlari va ularning buyurtma doirasida bajargan ishlari yuzasidan hisobotlari haqidagi ma'lumotlar.

4. Agentlikning quyidagi jarayonlarni internet tarmog‘i orqali jonli efirga uzatish tartibini joriy etish to‘g‘risidagi taklifi ma’qullansin:

a) falsafa doktori (PhD) va fan doktori (DSc) ilmiy darajasini olish uchun ilmiy kengash tomonidan o‘tkaziladigan dissertatsiya himoyasi (yopiq ilmiy ishlar bundan mustasno);

b) o‘rta-maxsus va professional ta’lim muassasalarining, (shu jumladan, “Temurbeklar maktablari” harbiy-akademik litseylarining) test sinovlari hamda Prezident, ijod va ixtisoslashtirilgan maktablarga kirish imtihonlari;

v) oliv ta’lim muassasalari bazasidagi harbiy ta’lim fakultetlariga (harbiy kafedra) qabul qilishdagi saralash tanlovlarning quyidagi bosqichlari:

umumjismoniy tayyorgarlikni baholash;

chaqiriqqacha boshlang‘ich tayyorgarlik dasturi bo‘yicha bilim darajasini baholash.

5. Agentlikka davlat organlari va tashkilotlarining qayta aloqa tizimi samaradorligi darajasini baholash maqsadida “Qayta aloqaning sirli mijoz” tadbirlarini tashkil etish va o‘tkazish vazifasi yuklatilsin.

6. Belgilansinki, “Qayta aloqaning sirli mijoz” tadbiri:

davlat organlari va tashkilotlaridagi ishonch telefonlarining (Call-markaz) hamda ularning rasmiy veb-saytlarida e’lon qilingan telefon raqamlarining doimiy ravishda ishchi holatdaligi, ma’lumotlar almashinuv samaradorligi, qayta aloqaning mavjudligi, shu jumladan tezkorligi va belgilangan muddatlarda amalga oshirilishi darajasini tekshirish maqsadida o‘tkaziladi;

Agentlikning mas’ul xodimlari tomonidan aloqa vositalaridan (telefon qo‘ng‘iroqlari, elektron pochta va boshqa aloqa kanallari) foydalangan holda masofaviy tartibda o‘tkaziladi;

natijalari bo‘yicha davlat organlari va tashkilotlariga o‘zining ochiqlikni ta’minalashga oid faoliyatini yaxshilash hamda takomillashtirish uchun ko‘rib chiqilishi majburiy bo‘lgan taqdimnomalar yuboriladi.

Bunda quyidagilar taqiqlanadi:

“Qayta aloqaning sirli mijoz” tadbirini o‘tkazishda huquqbuzarliklar sodir etishga og‘dirish va undash, shu jumladan nizoli, bahsli holatlarni va kamchiliklarni sun’iy ravishda keltirib chiqarish;

“Qayta aloqaning sirli mijoz” tadbirini o‘tkazishda Agentlik mas’ul xodimlaridan tashqari boshqa shaxslardan foydalanish;

o‘rganish obyektiga tashrif buyurish.

Tadbir natijalari bo‘yicha aniqlangan kamchiliklar vazirlik va idoralar xodimlarini javobgarlikka tortish uchun asos bo‘lmaydi, ish beruvchi tomonidan shaxsiy tashabbus ko‘rsatilgan holatlar bundan mustasno.

7. Agentlik (A. Burxanov) xalqaro tashkilotlar va xorijiy ekspertlarni jalb etgan holda:

uch oy muddatda davlat organlari va tashkilotlarining ochiqlikni ta’minalashga mas’ul xodimlarini ochiqlik sohasidagi milliy qonunchilik va xalqaro standartlar talablarini bo‘yicha o‘qitishga qaratilgan onlayn malaka oshirish tizimini elektron platforma asosida yo‘lga qo‘ysin;

elektron platforma orqali o‘qitilishi lozim bo‘lgan davlat organlari va tashkilotlari, shuningdek, ularning mas’ul xodimlari ro‘yxati va aniq muddatlarini ishlab chiqib, Vazirlar Mahkamasiga kirtsin;

elektron platforma o‘quv modullarini yakuni bo‘yicha har bir tinglovchi egallagan bilim va malakasi test sinovidan o‘tkazilib, natijalarini to‘plangan ballar reytingi asosida ochiq e’lon qilib borish tartibini joriy etsin;

elektron platforma modullari qonunchilik hujjatlarida belgilangan talablar, xorijiy mamlakatlarning ilg‘or tajribasi va xalqaro standartlar talablaridan kelib chiqib, muntazam takomillashtirib (to‘ldirib) borsin.

8. O‘zbekiston Respublikasi Prezidentining 2021-yil 16-iyundagi “Davlat organlari va tashkilotlarining faoliyati ochiqligini ta’minalash, shuningdek, jamoatchilik nazoratini samarali amalga oshirishga doir qo‘srimcha chora-tadbirlar to‘g‘risida”gi PF-6247-son **Farmoniga 2-ilovaga** muvofiq qo‘srimcha kiritilsin.

9. Agentlik uch oy muddatda qonunchilik hujjatlariga ushbu Farmondan kelib chiqadigan o‘zgartirish va qo‘srimchalar to‘g‘risida Vazirlar Mahkamasiga takliflar kiritsin.

10. Mazkur Farmonning ijrosini samarali tashkil qilishga mas’ul va shaxsiy javobgar etib Korrupsiyaga qarshi kurashish agentligi direktori A.E. Burxanov belgilansin.

11. Farmon ijrosi uchun mas’ul idoralar faoliyatini muvofiqlashtirish va nazorat qilish O‘zbekiston Respublikasining Bosh vaziri A.N. Aripov zimmasiga yuklansin.

### **O‘zbekiston Respublikasi Prezidenti Sh. MIRZIYOYEV**

Toshkent sh.,  
2023-yil 27-noyabr,  
PF-200-son

O‘zbekiston Respublikasi Prezidentining 2023-yil 27-noyabrdagi PF-200-son Farmoniga  
1-ILOVA

### **Korrupsiyaga qarshi kurashish bo‘yicha 2023-2024-yillarga mo‘ljallangan**

#### **DAVLAT DASTURI**

T/r	Chora-tadbirlar	Amalga oshirish mexanizmi	Ijro muddati	Moliyalashtirish manbalari	Mas’ul ijomchilar
<b>I. Davlat boshqaruvi sohasida korrupsiyaning oldini olish</b>					
1.	Yangi O‘zbekiston sharoitida amalga oshirilayotgan islohotlardan kelib chiqib, korrupsiyaga qarshi kurashishning qonuniy asoslarini yanada takomillashtirish.	“Korrupsiyaga qarshi kurashish to‘g‘risida”gi Qonunga quyidagilarni nazarda tutuvchi o‘zgartirish va qo‘srimchalar kiritish to‘g‘risida qonun loyihasini ishlab chiqish va Vazirlar Mahkamasiga kiritish:  Korrupsiyaga qarshi kurashish agentligining huquqiy maqomi, asosiy vazifalari va boshqa davlat organlari, fuqarolik jamiyati institutlari bilan hamkorligi; davlat organlarida majburiy ravishda korrupsiyaviy xavf-xatarlarni baholash ishlarini amalga oshirish talablari; korrupsiyaga qarshi ichki nazorat tuzilmalarining huquqiy maqomi, asosiy vazifalari, vakolatlari; davlat organlari va tashkilotlari faoliyatining ochiqligini ta’minlash masalalari;	2024-yil may	-	Korrupsiyaga qarshi kurashish agentligi (A. Burxanov), Bosh prokuratura (N. Yo‘ldoshev), Davlat xavfsizlik xizmati (A. Azizov), Ichki ishlar vazirligi (P. Bobojonov)

		Korrupsiyaga qarshi kurashish bo'yicha hududiy kengashlarning asosiy vazifalari; siyosiy partiyalarning moliyalashtirilishining ochiq va shaffofligi hamda saylov jarayonlaridagi korrupsiyaning oldini olish choralari; davlat boshqaruvi organlarining korrupsiyaga qarshi standartlarni joriy etish va ularga rioya etilishini ta'minlash bo'yicha mexanizmlarini belgilash.			
2.	Korrupsiyaga qarshi kurashish agentligining "Call-markaz" faoliyatini takomillashtirish.	Fuqarolar tomonidan korrupsiya haqida tezkor xabar berish imkonini beruvchi "Call-markaz"ga qilingan qo'ng'iroqlarni yozib olish va ovozli xabar qoldirish imkoniyatini yaratish.	2024-yil fevral	Ijrochilar mablag'lari	Korrupsiyaga qarshi kurashish agentligi (A. Burxanov), Raqamli texnologiyalar vazirligi (Sh. Shermatov)
3.	Korrupsiyaga oid xabarlar bilan ishslash tizimini takomillashtirish.	Korrupsiya to'g'risida xabar beruvchilarning huquqlarini himoya qilish mexanizmlarini nazarda tutuvchi normativ-huquqiy hujjat loyihasini Vazirlar Mahkamasiga kiritish. Bunda, korrupsiya bilan bog'liq murojaatlarni qabul qilish va ular bilan ishslash imkoniyatini beruvchi yagona markazlashtirilgan elektron tizimni yaratish nazarda tutiladi.	2024-yil aprel	-	Korrupsiyaga qarshi kurashish agentligi (A. Burxanov), Bosh prokuratura (N. Yo'ldoshev), Davlat xavfsizlik xizmati (A. Azizov), Ichki ishlar vazirligi (P. Bobojonov), Adliya vazirligi (A. Tashkulov)
4.	Davlat organlarining ochiqlikni ta'minlashga mas'ul xodimlarini onlayn o'qitishga mo'ljallangan "Open data" elektron ta'lim platformasini ishga tushirish.	Elektron ta'lim platformasi dasturiy ta'minotini yaratish hamda ochiqlikni ta'minlash sohasidagi ilg'or xalqaro tajribalarni o'rgangan holda o'quv modullarini ishlab chiqish, shuningdek, platforma orqali davlat organlari va tashkilotlari mas'ul xodimlarini o'qitishni tashkil etish.	2024-yil fevral	Grant mablag'lari	Korrupsiyaga qarshi kurashish agentligi (A. Burxanov), Raqamli texnologiyalar vazirligi (Sh. Shermatov)
5.	Davlat	Davlat organlari va	2024-yil	-	Iqtisodiyot va

	organlari va tashkilotlari budgetdan tashqari jamg‘armalariga kelib tushayotgan mablag‘larning sarflanishi ustidan samarali jamoatchilik nazoratini o‘rnatish.	tashkilot <del>lari</del> budgetdan tashqari jamg‘armalariga kelib tushayotgan mablag‘lar (jarima, davlat mulkini ijara berish va sotish, pullik xizmatlar ko‘rsatish va boshqa), ularning sarflangan maqsad va yo‘nalishlari haqidagi ma‘lumotlarni ochiq ma‘lumotlar portali va rasmiy veb-saytlarda e’lon qilinishini nazarda tutuvchi normativ-huquqiy hujjat loyihasini Vazirlar Mahkamasiga kiritish.	mart		moliya vazirligi (I. Norqulov), Korrupsiyaga qarshi kurashish agentligi (A. Burxanov), Bosh prokuratura (N. Yo‘ldoshev)
6.	Davlat organlari va tashkilotlari faoliyatining ochiqligini monitoring qilish va baholash mexanizmlarini takomillashtirish.	Quyidagi o‘zgartirish va qo‘sishmchalarni nazarda tutuvchi qonunchilik hujjati loyihasini tayyorlash va O‘zbekiston Respublikasi Vazirlar Mahkamasiga kiritish: davlat organlari va tashkilotlarida ochiqlikni ta’minlashga mas’ul bo‘lgan xodimlarning faoliyatini baholash mezonlarini takomillashtirish; ommaviy kommunikatsiya texnologiyalarining joriy qilinishini baholashda “Qayta aloqaning sirli mijoz” tadbirini natijalarini hisobga olish.	2024-yil iyun	-	Korrupsiyaga qarshi kurashish agentligi (A. Burxanov), Axborot va ommaviy kommunikatsiyalar agentligi (A. Xodjayev)
7.	Davlat organlari va tashkilotlari ochiqlikligini ta’minlash faoliyati ustidan nazorat tizimi samaradorligini oshirish.	Davlat organlari va tashkilotlarining ochiqlikni ta’minlash sohasidagi normativ-huquqiy hujjatlarda belgilangan majburiyatlarga rioya etilishini masofaviy monitoring qilish tartibi to‘g‘risidagi nizomni ishlab chiqish va belgilangan tartibda tasdiqlash.	2024-yil iyun	-	Korrupsiyaga qarshi kurashish agentligi (A. Burxanov), Adliya vazirligi (A. Tashkulov)
<b>II. Davlat xizmati sohasida korrupsiyaning oldini olish</b>					
8.	Vazirlik va idoralarning	Byurokratik to‘siqlarni, korrupsiyaviy xavf-xatarlar	2023-yil dekabr	Ijrochilar mablag‘lari	Davlat xizmatini rivojlantirish

	<p>inson resursini rivojlantirish va boshqarish faoliyatini raqamlashtirish.</p> <p>va inson omilini qisqartirish maqsadida vazirlik va idoralarning kadrlar bilan ishlash yo‘nalishidagi faoliyatini hrm. argos.uz elektron bazasi orqali amalga oshirish.</p> <p>Bunda:</p> <p>tarkibiy tuzilma, shtatlar, lavozimlar va xodimlar to‘g‘risidagi ma’lumotlarni yagona elektron bazaga jamlagan holda axborotni to‘plash va unga ishlov berish;</p> <p>shaxsiy tarkibga oid buyruqlar, qarorlar va farmoyishlar loyihamalarini ishlab chiqish;</p> <p>xodimlarning ish faoliyati samaradorligini avtomatik baholash va ularni masofaviy o‘qitish;</p> <p>kadrlar bo‘yicha ma’lumotlarning elektron arxivini yuritish.</p>			agentligi (O. Xasanov), Raqamli texnologiyalar vazirligi (Sh. Shermatov), vazirlik va idoralar
--	---	--	--	--

### **III. Ma’muriy tartib-taomillar sohasida korrupsiyaning oldini olish**

9.	Ma’muriy tartib-taomillarning bir xilda qo‘llanilishi bo‘yicha davlat organlarida yagona yondashuvni shakllantirish.	Davlat organlari va tashkilotlarida ma’muriy tartib-taomillarni bir xilda tashkil etish va ijrosini ta’minlash bo‘yicha qo‘llanmalar ishlab chiqish hamda yetkazilishini ta’minlash.	2023-yil dekabr	-	Adliya vazirligi (A. Tashkulov), Korrupsiyaga qarshi kurashish agentligi (A. Burxanov)
10.	Sudlar tomonidan davlat organlari va tashkilotlarining, ularning mansabдор shaxslarining bekor qilingan noqonuniy qarorlari to‘g‘risidagi ma’lumotlarni rasmiy veb-saytda ochiq e’lon qilib borish.	Sudlar tomonidan davlat organlari va tashkilotlari, ularning mansabдор shaxslarining noqonuniy chiqarilganligi uchun bekor qilingan qarorlari to‘g‘risidagi ma’lumotlarni har chorak yakuni bilan rasmiy veb-saytda ochiq e’lon qilib borish.	Har chorak yakuni bilan keyingi oyning 15 sanasiga qadar	-	Oliy sud (B. Islamov), Sudyalar oliy kengashi (X. Yodgorov), Korrupsiyaga qarshi kurashish agentligi (A. Burxanov)

	ochiqligini ta'minlash.				
<b>IV. Davlat xaridlarini amalga oshirish sohasida korrupsiyaning oldini olish</b>					
11.	Davlat xaridlari tartib-taomillarini buzgan mansabdar shaxslarga nisbatan jazo muqarrarligini ta'minlash.	Davlat xaridi jarayonidagi ishtiroki bilan bog'liq holatda korrupsiyaga oid huquqbuzarlik sodir etgan yoki manfaatlar to'qnashuviga yo'l qo'yan, davlat xaridi ishtirokchisi bo'lgan yuridik shaxsning mansabdar shaxslari yoki ta'sischilarini Insofsiz ijrochilar reyestriga kiritish hamda ushbu shaxslar boshqaruvidagi yoki benefitsiar ta'sischiligidagi bo'lgan boshqa yuridik shaxslarning ham davlat xaridagi ishtirokini cheklash bilan bog'liq tartibni joriy qilishni nazarda tutuvchi normativ-huquqiy hujjat loyihasini ishlab chiqish.	2024-yil mart	-	Korrupsiyaga qarshi kurashish agentligi (A. Burxanov), Bosh prokuratura (N. Yo'ldoshev), Oliy sud (B. Islamov), Iqtisodiyot va moliya vazirligi (I. Norqulov), Adliya vazirligi (A. Tashkulov)
12.	Davlat xaridlarida tovar (ish va xizmatlar)ning narxlarini nazorat qilish mexanizmlarini yaratish.	1. Davlat xaridlari tartib-taomillarini amalga oshirishda tovarning (ishning, xizmatning) boshlang'ich narxini davlat xaridlarining maxsus axborot portalida e'lon qilingan narxlar asosida shakllantirishni nazarda tutuvchi normativ-huquqiy hujjat loyihasini Vazirlar Mahkamasiga kiritish. 2. Davlat xaridlarida tovar (ish va xizmatlar)ning boshlang'ich narxini belgilashning namunaviy tartibini ishlab chiqish. Bunda, tovar (ish va xizmatlar)ning boshlang'ich narxlarini maxsus axborot portalida e'lon qilib borish amaliyotini joriy etish.	2023-yil dekabr	-	Iqtisodiyot va moliya vazirligi (I. Norqulov), Statistika agentligi (B. Begalov), Raqobatni rivojlantirish va iste'molchilar huquqlarini himoya qilish qo'mitasi (Sh. Sharaxmetov), manfaatdor vazirlik va idoralar
13.	Davlat	1. Yagona yetkazib	2024-yil	-	Iqtisodiyot va

	xaridlarini amalga oshirishda yagona yetkazib beruvchilarni belgilashning shaffof tizimini yaratish.	<p>beruvchilar reyestriga kiritish haqidagi arizani ko‘rib chiqish reglamentini ishlab chiqish. Bunda:</p> <p>amaldagi qonunchilikka o‘zgartirish kiritgan holda Yagona yetkazib beruvchilar reyestriga kiritish haqidagi arizani ko‘rib chiqish uchun vakolatli organ va tegishli mas’ul vazirlik, idoralarning mas’ullaridan iborat komissiyani tuzish hamda ushbu komissiya ish faoliyatini “Xarid.mf.uz” platformasi orqali elektron tarzda ko‘rib chiqish mexanizmini joriy qilish;</p> <p>yagona yetkazib beruvchilar reyestriga kiritish haqidagi ariza va unga ilova ma'lumotlarni Davlat xaridlari markaziy axborot portalida ochiq e’lon qilish, majburiy jamoatchilik muhokamasini o‘tkazish, mazkur ariza bo‘yicha jamoatchilik vakillarida o‘z fikr va e’tirozlarini portalda qoldirish imkoniyatini yaratish;</p> <p>yagona yetkazib beruvchilar reyestriga kiritish haqidagi arizani ko‘rib chiqish natijalarini (qanoatlantirilganlar va rad etilganlar asoslari) Davlat xaridlari markaziy axborot portalida ochiq e’lon qilish.</p> <p>2. Yagona yetkazib beruvchilar bilan shartnoma tuzish jarayonlarini elektronlashtirish, ya’ni maxsus axborot portali orqali tuzilishini joriy qilish.</p>	yanvar		moliya vazirligi (I. Norqulov), manfaatdor vazirlik va idoralar
14.	Davlat xaridlarini amalga	Davlat xaridlari to‘g‘risidagi qonunchilik talablarini buzish orqali	2024-yil may	-	Oliy sud (B. Islamov), Iqtisodiyot va

	oshirishda qonunbuzilish holatlarining sudlarda ko‘rib chiqish bo‘yicha yagona amaliyotni shakllantirish.	amalga oshirilgan davlat xaridlari bilan bog‘liq ishlarni ko‘rish amaliyotini umumlashtirib, bu toifadagi ishlarni ko‘rishda yagona amaliyotni shakllantirish bo‘yicha sudlarga zaruriy tavsiyalarni ishlab chiqish.			moliya vazirligi (I. Norqulov), Korrupsiyaga qarshi kurashish agentligi (A. Burxanov), Adliya vazirligi (A. Tashkulov), manfaatdor vazirlik va idoralar
15.	Davlat organlari va tashkilotlarga tegishli korporativ bank kartalari orqali xaridlarni amalga oshirish jarayonini tartibga solish.	Davlat buyurtmachilarini tomonidan davlat xaridlarini korporativ bank kartalari orqali amalga oshirish tartibini ishlab chiqish va tasdiqlash.	2024-yil aprel	-	Iqtisodiyot va moliya vazirligi (I. Norqulov), Markaziy bank (M. Nurmuratov), Adliya vazirligi (A. Tashkulov)
16.	Respublika ijro etuvchi hokimiyat organlarida autsorsing xizmatlari ko‘rsatishdagi korrupsiyaviy xavf-xatarlarning oldini olish.	Respublika ijro etuvchi hokimiyat organlarida autsorsing xizmatlari ko‘rsatishning yagona tartibini ishlab chiqish va Vazirlar Mahkamasiga kiritish. Bunda:  autsorserlarni tanlab olish, shartnoma tuzish va hisob-kitoblarni amalga oshirishning ochiq va shaffof mexanizmlarini, shu jumladan yagona elektron platforma joriy etishni; autsorser va buyurtmachining huquqlari va majburiyatlarini; autsorsing xizmati ko‘rsatilishi yuzasidan nazorat va monitoring qilish mexanizmlarini; autsorsing xizmatlarini tashkil etish va o‘tkazishda korrupsiya va manfaatlar to‘qnashuvining oldini olish mexanizmlarini belgilash.	2024-yil mart	-	Adliya vazirligi (A. Tashkulov), Iqtisodiyot va moliya vazirligi (I. Norqulov), vazirlik va idoralar
17.	Davlat xaridlari sohasida qonunbuzilish	Quyidagilarni nazarda tutuvchi normativ-huquqiy hujjatlar loyihalarni ishlab chiqish va Vazirlar	2024-yil iyun	-	Korrupsiyaga qarshi kurashish agentligi (A. Burxanov),

	holatlarining oldini olish bo'yicha ta'sirchan mexanizmlarni yaratish.	Mahkamasiga kiritish: Agentlik vakolati doirasida aniqlagan davlat xaridlari to'g'risidagi qonunchilik buzilganligi holatlari yuzasidan ma'muriy huquqbuzarliklar to'g'risida bayonnomalar tuzish; Agentlikka davlat xaridlari to'g'risidagi qonunchilik buzilgan holda tuzilgan bitimni, qabul qilingan qarorni hamda boshqa hujjatni o'zgartirish, bekor qilish yoki ularni haqiqiy emas deb topish haqida davlat bojidan ozod etilgan holda sudga da'vo kiritish vakolatini berish; davlat xaridlari to'g'risidagi qonunchilik buzilgan holda davlatga yetkazilgan zararning hamda haqiqiy emas deb topilgan hujjatning ijrosi bilan bog'liq xarajatlarning o'rni aybdor mansabdor shaxsdan undirib olish; davlat xaridlari to'g'risidagi qonunchilik buzilganligi holatlari aniqlanganda Agentlikning taqdimnomasiga asosan xarid qilish tartib-taomillarni to'xtatib turishni nazarda tutish.			Iqtisodiyot va moliya vazirligi (I. Norqulov), Adliya vazirligi (A. Tashkulov), Oliy sud (B. Islamov), Bosh prokuratura (N. Yo'ldoshev)
<b>V. Ijtimoiy-iqtisodiy rivojlanish va tadbirkorlik sohasida korrupsiyaning oldini olish</b>					
18.	Korrupsiya xavf-xatarlari yuqori bo'lgan sohalarda "Korrupsiyasiz soha" loyihibalarini amalga oshirish.	Maktabgacha va maktab ta'limi sohasida "Korrupsiyasiz soha" loyihasini amalga oshirish bo'yicha quyidagilarni nazarda tutuvchi "yo'l xaritasi"ni ishlab chiqish va tasdiqlash: sohani tartibga soluvchi normativ-huquqiy hujjatlarni korrupsiyaga qarshi ekspertizadan o'tkazish;	2023-yil dekabr	-	Maktabgacha va maktab ta'limi vazirligi (X. Umarova), Korrupsiyaga qarshi kərashish agentligi (A. Burxanov), vazirlik va idoralar

		<p>korrupsiyaviy omillarni aniqlash va bartaraf etish bo‘yicha chora-tadbirlar belgilash;</p> <p>sohada ochiqlik va shaffoflikni ta’minlash, jamoatchilik nazorati mexanizmlarini takomillashtirish;</p> <p>korrupsiyaga qarshi ichki nazorat tizimi samaradorligini oshirish.</p>		
19.	Oliy ta’lim muassasalari faoliyatida korrupsiyaga qarshi kurashish ishlarining samaradorligini reyting baholash tizimini joriy etish.	<p>NEMIS axborot tizimi orqali anonim so‘rovnoma o‘tkazish yo‘li bilan oliy ta’lim muassasalarining har yilgi korrupsiyaga qarshi kurashish reytingini aniqlash amaliyotini yo‘lga qo‘yish.</p> <p>Reyting natijalari bo‘yicha salbiy ko‘rsatkich qayd etgan oliy ta’lim muassasalarida korrupsiyaga qarshi kurashish chora-tadbirlar dasturini ishlab chiqish va ijroga qaratish.</p>	2023-yil dekabr	Oliy ta’lim, fan va innovatsiyalar vazirligi (K. Karimov), Korruptsiyaga qarshi kurashish agentligi (A. Burxanov)

#### **VI. Korruptsiyaga qarshi kurashishning institutsional asoslarini takomillashtirish**

20.	Korruptsiyaga qarshi kurashish sohasida ilmiy, tanqidiy va ekspert salohiyatini kuchaytirish borasida chora-tadbirlarni amalga oshirish.	<p>Quyidagilarni nazarda tutuvchi chora-tadbirlar ishlab chiqish va amalgaga oshirish:</p> <p>korrupsiyaga qarshi kurashish sohasi bo‘yicha milliy ekspertlar jamoasini bosqichma-bosqich shakllantirish;</p> <p>ilmiy-metodik materiallarni ishlab chiqishga xorijiy ekspertlar va maslahatchilarni jalb etishni muvofiqlashtirish;</p> <p>milliy ekspertlarning korruptsiyaga qarshi kurashish sohasidagi malakasini oshirish maqsadida Korruptsiyaga qarshi kurashish xalqaro akademiyasi (<b>IACA</b>) va boshqa xalqaro ta’lim muassasalarida o‘qitishni</p>	2024-yil ya♦var	Davlat budjeti mablag‘lari, xalqaro moliya institutlari mablag‘lari	Korruptsiyaga qarshi kurashish agentligi (A. Burxanov), Huquqni muhofaza qilish akademiyasi (E. Kolenko), Oliy ta’lim, fan va innovatsiyalar vazirligi (K. Karimov)
-----	--	---	-----------------	---	---

		tashkil etish.				
<b>VII. Sud-huquq tizimida korrupsiyaning oldini olish</b>						
21.	Huquqni muhofaza qiluvchi organ xodimlari tomonidan korrupsiyaga oid jinoyatlar sodir etilishining oldini olish.	Huquqni muhofaza qiluvchi organ xodimlarning korrupsiyaga oid jinoyatlar sodir etilishiga imkoniyat yaratib berayotgan funksiya va vazifalarini tahlil qilib, ularni sudlarga o'tkazish yoki raqamlashtirish orqali korrupsiya xavf-xatarlarni minimallashtirish yuzasidan takliflar ishlab chiqish.	2024-yil may	-	Korrupsiyaga qarshi kurashish agentligi (A. Burxanov), Bosh prokuratura (N. Yo'ldoshev), Ichki ishlar vazirligi (P. Bobojonov), Davlat xavfsizlik xizmati (A. Azizov), vazirlik va idoralar	
<b>VIII. Aholining huquqiy ongi va huquqiy madaniyatini yuksaltirish, jamiyatda korrupsiyaga nisbatan murosasiz munosabatni shakllantirish</b>						
22.	Korrupsiyaga qarshi kurashishda fuqarolik jamiyatni institutlari, nodavlat notijorat tashkilotlari va ommaviy axborot vositalarining rolini oshirish.	<p>1. Oliy Majlis huzuridagi Nodavlat notijorat tashkilotlarni va fuqarolik jamiyatining boshqa institutlarini qo'llab-quvvatlash jamoat fondi tomonidan grantlar va ijtimoiy buyurtmalar soni va ajratilayotgan mablag'lar miqdorini oshirish.</p> <p>2. Xalq deputatlari viloyat, shahar Kengashlari huzuridagi nodavlat notijorat tashkilotlarini va fuqarolik jamiyatining boshqa institutlarini qo'llab-quvvatlash jamoat fondlari tomonidan e'lon qilinadigan davlat grantlari ajratish uchun tanlovlarda muntazam ravishda korrupsiyaga qarshi kurashish yo'nalishidagi mavzular kiritish.</p> <p>3. Nodavlat notijorat tashkilotlarini sohaga oid o'zgarishlardan xabardor qilib borish maqsadida mahalliy va xorijiy ekspertlarni jalb qilgan holda tizimli ravishda</p>	2023-2024-yillarda	Oliy Majlis huzuridagi Nodavlat notijorat tashkilotlarini va fuqarolik jamiyatining boshqa institutlarini qo'llab-quvvatlash jamoat fondi mablag'lari	Oliy Majlis palatalari ( <i>kelishuv asosida</i> ), Oliy Majlis huzuridagi jamoat fondi ( <i>kelishuv asosida</i> ), Qoraqalpog'ston Respublikasi Jo'qorg'i Kengesi, xalq deputatlari viloyat, shahar Kengashlari ( <i>kelishuv asosida</i> ), Iqtisodiyot va moliya vazirligi (I. Norqulov), O'zbekiston nodavlat notijorat tashkilotlari milliy assotsiatsiyasi (K. Ishanxodjayev), Korrupsiyaga qarshi kurashish agentligi (A. Burxanov)	Korrupsiyaga qarshi kurashish agentligi (A. Burxanov), Huquqni muhofaza qilish akademiyasi (E. Kolenko),

		seminarlar tashkil etib borish.			Adliya vazirligi (A. Tashkulov), O‘zbekiston nodavlat notijorat tashkilotlari milliy assotsiatsiyasi (K. Ishanxodjayev)
23.	Xalqaro korrupsiyaga qarshi kurashish kuni doirasida keng ko‘lamli “Aksilkorrupsiya haftaligi”ni o‘tkazish.	“Aksilkorrupsiya haftaligi”ni o‘tkazish bo‘yicha chora-tadbirlar rejasini ishlab chiqish va uning samarali amalga oshirilishini tashkil etish.	Har yili noyabr-dekabr oylarida	Davlat budjeti mablag‘lari, xalqaro moliya institutlari mablag‘lari	Korrupsiyaga qarshi kurashish agentligi (A. Burxanov), Axborot va ommaviy kommunikatsiyalar agentligi (A. Xodjayev), Bosh prokuratura (N. Yo‘ldoshev), Adliya vazirligi (A. Tashkulov)
24.	Korrupsiyaga qarshi kurashish bo‘yicha amalga oshirilayotgan islohotlarning samaradorligini aniqlash va oshirish maqsadida tizimli ravishda ijtimoiy tadqiqotlar va so‘rovlar tashkil etib borish va natijalarini keng jamoatchilikka e’lon qilish.	“Ijtimoiy fikr” respublika jamoatchilik fikrini o‘rganish markazi va boshqa nodavlat tashkilotlar ishtirokida aholining korrupsiyaga munosabatini va olib borilayotgan islohotlardan xabardorlik darajasini o‘rganish yuzasidan so‘rovnomalar tashkil etish.  Bunda, so‘rovnomalar mavzusi tanlashda korrupsiya xavf-xatarlari yuqori bo‘lgan sohalarni aniqlash, amalga oshirilayotgan islohotlarning samaradorligiga baho berish, fuqarolarning korrupsiyaga nisbatan munosabatini aniqlash, korrupsiyaga qarshi kurashish sohasidagi mavjud muammolarni aniqlash va bartaraf etish masalalariga e’tibor qaratish.	Har yarim yilda	-	Korrupsiyaga qarshi kurashish agentligi (A. Burxanov), “Ijtimoiy fikr” respublika jamoatchilik fikrini o‘rganish markazi (N. Raximova)
25.	Yoshlarda korrupsiyaga nisbatan toqatsiz	Korrupsiyaga qarshi kurashish bo‘yicha faoliyatni amalga	2023-yil dekabr	-	Oliy ta’lim, fan va innovatsiyalar vazirligi

	munosabatni shakllantirish.	oshiruvchi davlat organlari vakillarining yoshlar bilan uchrashuvlarini tashkil etish yuzasidan yillik rejadvalni ishlab chiqish va ijrosini ta'minlash.			(K. Karimov), Yoshlar siyosati va sport vazirligi (A. Ikramov), vazirlik va idoralar
26.	Korrupsiyaga qarshi kurashish bo'yicha ko'rileyotgan chora-tadbirlar, bu borada erishilgan natijalarni muhokama qilish va tushuntirishga bag'ishlangan targ'ibot tadbirlarini amalga oshirish.	Aholining huquqiy ongi va madaniyatini yuksaltirish, korrupsiya holatlariiga duch kelganda qonuniy huquq va manfaatlarini himoya qilish bo'yicha tushuntirish va amaliy ko'mak berish, sohadagi islohotlarning mazmun-mohiyati bilan yaqindan tanishtirish, erishilayotgan natijalar va kelgusi vazifa-maqсадlarni muhokama qilishga bag'ishlangan maxsus teleko'rsatuv, tok-shoularni efirga uzatishni yo'lga qo'yish.	Alohida reja jadvalga asosan 2023-2024-yillarda	-	MTRK (A. Xadjayev), Milliy media assotsiatsiyasi (Sh. Qudratxo'ja) Korrupsiyaga qarshi kurashish agentligi (A. Burxanov), Axborot va ommaviy kommunikatsiyalar agentligi (A. Xodjayev), Adliya vazirligi (A. Tashkulov), Bosh prokuratura (N. Yo'ldoshev), vazirlik va idoralar

#### **IX. Korrupsiyaga qarshi kurashish sohasida xalqaro hamkorlikni kuchaytirish**

27.	Iqtisodiy hamkorlik va taraqqiyot tashkilotining Sharqiylar Yevropa va Markaziy Osiyo davlatlari uchun korrupsiyaga qarshi kurashish tarmog'ining Istanbul harakatlar rejasidagi doirasida o'tkaziladigan 5-bosqich monitoring chora-tadbirlariga tayyorgarlik ko'rish.	Monitoring o'tkazish bo'yicha tashkiliy chora-tadbirlarni ko'rish.	2023-yil dekabr	-	Korrupsiyaga qarshi kurashish agentligi (A. Burxanov), Bosh prokuratura (N. Yo'ldoshev), Oliy sud (B. Islamov), vazirlik va idoralar
28.	Iqtisodiy hamkorlik va taraqqiyot tashkilotining Xalqaro moliya-	1. Konvensiyaga qo'shilish yuzasidan milliy ekspertlar guruhini shakllantirish. 2. Konvensiyaga	2024-yil avgust	-	Bosh prokuratura (N. Yo'ldoshev), Korrupsiyaga qarshi kurashish agentligi

	tijorat bitimlarini amalga oshirishda xorijiy mansabdor shaxslarga pora berishga qarshi kurashish bo‘yicha konvensiyasiga qo‘shilish masalasini o‘rganish.	qo‘shilish bo‘yicha asoslantirilgan takliflarni O‘zbekiston Respublikasi Prezidenti Administratsiyasiga kiritish.			(A. Burxanov), Tashqi ishlar vazirligi (B. Saidov), vazirlik va idoralar
29.	“Ochiq Hukumat hamkorligi” xalqaro tashkilotiga a’zo bo‘lish masalasi bo‘yicha asoslantirilgan taklif ishlab chiqish.	<p>1. “Ochiq Hukumat hamkorligi” xalqaro tashkilotiga a’zo bo‘lish yuzasidan mas’ul davlat idoralari vakillaridan iborat ishchi guruhi tuzish.</p> <p>2. “Ochiq Hukumat hamkorligi” xalqaro tashkiloti vakillari bilan a’zo bo‘lish shartlari, mavjud salohiyatni tahlil qilish hamda amalga oshirilishi lozim bo‘lgan chora-tadbirlarni muhokama qilish.</p> <p>3. “Ochiq Hukumat hamkorligi” xalqaro tashkilotiga O‘zbekiston Respublikasini a’zo bo‘lishiga qaratilgan “yo‘l xaritasi”ni ishlab chiqish.</p>	<p>2024-yil fevral</p> <p>2024-yil aprel</p> <p>2024-yil iyun</p>	Xalqaro moliya institutlari mablag‘lari	Korrupsiyaga qarshi kurashish agentligi (A. Burxanov), Tashqi ishlar vazirligi (B. Saidov), vazirlik va idoralar
30.	“O‘zbekiston — 2030” Strategiyasidan kelib chiqqan holda korrupsiyaga qarshi murosasiz munosabatda bo‘lish muhitini yaratish, davlat va jamiyat boshqaruvida korrupsiyaviy omillarni keskin kamaytirish bo‘yicha davlatning istiqboldagi	Quyidagilarni nazarda tutuvchi Korrupsiyaga qarshi kurashish bo‘yicha 2030-yilgacha mo‘ljallangan milliy strategiyani ishlab chiqish: korrupsiya kelib chiqishiga sabab bo‘lgan omillarni aniqlash va ularni tahlil qilish; amaldagi korrupsiyaga qarshi kurashish bo‘yicha belgilangan mexanizmlarning samaradorligini baholash va ularni takomillashtirish; jamiyatda korrupsiyaga nisbatan murosasiz	2024-yil mart	-	Korrupsiyaga qarshi kurashish agentligi (A. Burxanov), Bosh prokuratura (N. Yo‘ldoshev), Oliy sud (B. Islamov), vazirlik va idoralar

	asosiy yo‘nalishini belgilash.	munosabatni shakllantirish ishlarini jadal davom ettirish.			
--	--------------------------------	--	--	--	--

O‘zbekiston Respublikasi Prezidentining 2023-yil 27-noyabrdagi PF-200-son Farmoniga  
2-ILOVA

**O‘zbekiston Respublikasi Prezidentining 2021-yil 16-iyundagi “Davlat organlari va tashkilotlarining faoliyati ochiqligini ta‘minlash, shuningdek, jamoatchilik nazoratini samarali amalga oshirishga doir qo‘srimcha chora-tadbirlar to‘g‘risida”gi PF-6247-son Farmoniga kiritilayotgan qo‘srimcha**

1-ilova quyidagi mazmundagi 36 — 40-pozitsiyalar bilan to‘ldirilsin:

“

36.	Hududlar kesimida “Haj” tadbirlariga borish uchun navbatda turgan ziyoratchilarning yagona onlayn navbatni to‘g‘risidagi (ziyoratga boruvchi shaxsning arizasi navbatga qo‘yilgan sana, ro‘yxatdagi tartib raqami va ziyorat turi) ma’lumotlar.	Rasmiy veb-sayt	har chorakda	O‘zbekiston musulmonlari idorasi
37.	Bolalarni davlat maktabgacha ta’lim tashkilotiga qabul qilish uchun berilgan arizalar navbatni (ro‘yxati) to‘g‘risidagi (ariza navbatga qo‘yilgan sana, ro‘yxatdagi tartib raqami, yosh guruhi hamda tashkilot raqami) ma’lumotlar.	Rasmiy veb-saytlar	har chorakda	Maktabgacha va maktab ta’limi vazirligi, hududiy maktabgacha va ta’limi boshqarmalari
38.	Davlat organlari va tashkilotlarida davlat xaridlarini amalga oshirish tartib-taomillarini belgilovchi xarid komissiyasining ichki idoraviy tartibi (nizom, reglament, yo‘riqnomalar yoki boshqa ichki idoraviy hujjat)	Rasmiy veb-saytlar	har chorakda	Davlat organlari va tashkilotlari
39.	Bo‘sish o‘rninlari (markaziy, hududiy va tizim tashkilotlarida), ishga qabul qilish shartlari, nomzodlarga qo‘yiladigan talablar va taqdim qilinishi lozim bo‘lgan hujjatlar to‘g‘risidagi ma’lumotlar.	Rasmiy veb-saytlar	har oyda	Davlat organlari va tashkilotlari
40.	Davlat organlari va tashkilotlari tomonidan nodavlat notijorat tashkilotlarga taqdim etilgan grant va ijtimoiy buyurtma loyihalari haqidagi ma’lumotlar, shu jumladan g‘olib bo‘lgan nodavlat notijorat tashkilotlari va ularning buyurtma doirasida bajargan ishlari yuzasidan hisobotlari haqidagi ma’lumotlar.	Rasmiy veb-saytlar	har yarim yillikda	Davlat organlari va tashkilotlari

”.

(Qonunchilik ma’lumotlari milliy bazasi, 28.11.2023-y., 06/23/200/0896-son)